

國

朝

詩

鐸

國朝詩鐸卷十二

錢塘張應昌仲甫

將帥類

邊寇將軍歌

陳之遴

旌旗蔽天鼓震地邊寇將軍擁兵至大城聚哭小城走
馬前纍纍縛官吏傾儲掃境欲未充步騎四出疾若風
馬馱車輦盡金帛須臾紅粉盈軍中異時羣盜曾驛騷
指麾不若將軍豪寸苗尺榦掃立盡纖鱗細翼無一逃
詔書數下憂師老金觴翠袖方傾倒黃巾忽報東方來
將軍拔營向西討

戰城南

馮溥

戰城南短兵接血流沒髀氣不憚盤龍刀缺矢集面目
皆裂盡光如電夙矢忠義報君恩馬革有無何足論人
拾斷羽將軍字鳶啄遺骸烈士魂日光黯兮黑雲合雨
色淒淒風颯颯舊時部曲半存亡馬嘶丹旄猶蹴蹋元
戎不動屹如山六博高歌意氣閒雙鬢醉擁封侯骨待
畫麒麟奏凱還

少年行

吳兆騫

少年便弓馬落魄無所憂自矜紫橐客愛作朱門遊曾
陪北部大都尉新事西京博陸侯三月春風滿京國待

詔期門執長戟銅駝街畔臂鷹歸金馬門前賜衣出天
書趣拜羽衣郎腰間鏤帶黃金璫鸚鵡杯傳仙液暖鷄
鷄冠插翠綵長歸來塞外驅駟馬賓御如雲曜原野落
雕都護揖車前射雉參軍候鈴下驕奢直擬徹侯家貧
賤甯憐舊遊者海東健兒浴鐵衣沙場幾度決重圍有
功不解謁權貴戰如熊虎誰知之

將軍篇

刺馬逢知也是
馬未數時所作

董 俞

城西聞礮聲城東聞礮聲殷殷復填填礮聲如雷轟乘
宛馬揚翠旗雕弧長戟百隊馳中有將軍踞坐五彩輿
珊瑚爲輿輶玳瑁爲輿扉四角綴金鈴內施紅氍毹頭

上何所飾朱纓鞅鞞光陸離身上何所服天吳蹙錦貂
襜褕刺史伺候顏色縣令負弩前驅朝謁將軍門夕侍
將軍堂將軍中央坐銀燭正輝煌歌姬一百二翠袖搖
珠璫陳設擬皇宮服食效上方將軍召客客步趨起座
中盡屏息再拜捧一卮以次上壽畢昵昵多諛辭將軍
笑謂爾曹今吾不樂何爲黃金如邱積白金如山高誅
殺足快意人命如菅茅道窶蚩蚩咸謂將軍豪嗟嗟將
軍何其豪

將軍行

爲提督馬逢
知得罪作

董含

強非虎貪非狼臨津有小吏與之司不能張胡爲棄所

事潛身竄邊疆投充騎都尉先驅効戎行解一 左吹悲

笳右擊鼓窮寇勢將遁我軍色如土明晨去之二百里

殺戮平人上功幕府解二 一年十夫長二年歷參戎三

年握兵符尊巖亞王公將軍拊髀坐帳中何時金印盤

螭龍裏蹠當與南山同解三 將軍起甲第內列十二樓

樓下鋪罌瑜粉黛居上頭四角夜光珠管絃間清謳捧

觴進醪酥將軍大醉喜復怒拔劍斫斷珊瑚鉤解四 輦

黃金募死士尺書走海島東西同日起麾下健兒能射

生彎弓夜夜南塘行解五 新天子垂旒坐明堂收治支

黨無令狷狂豔妻配象奴少女發教坊將軍若盧出緹

騎刀如霜解衣恐怖叩頭泣父子狼藉東市旁哀哉將
軍不如爲吏可以久長

六解

跋扈行

魯曾煜

將軍居京雒跋扈不可當夫妻炫第宅堂寢分陰陽閭
道凌雲起連屬互相望懸之以明珠煜煜明月光黃金
如山積大萬不可量外廐汗血馬來自西戎疆其旁開
園囿採土築層岡奇獸畜麒麟珍禽養鳳皇春風一夕
吹百卉氤氳香夫爲擁身扇妻爲墮馬粧絲竹揚淒清
金石紛擊撞美麗有秦宮夜夜侍玉牀生男尚公主生
女進椒房勢能毒漢主何有固與綱哀哉何大儒亦來

上壽觴。奴子逢公卿。不復迴道傍。百僚俱震懼。天子爲
迴遑。中使持黃紙。夜半圍府牆。夫妻赴東市。相顧淚浪
浪。婦女走相詈。小兒瓦礫將。回望歌舞地。惟見黃塵揚。
嗚呼空跋扈。悔不爲忠良。

殲賊行

襄勇伯明將軍亮幕府
談將軍蘭州戰勝事

蔣業晉

我出秦關歲辛丑。適遇逆回害官守。烽火傳邊結陣雲。
雷聲動地墮天狗。河州已陷蘭州危。戎馬郊原驚踐蹂。
一時飛將缺邊關。四路徵兵趨隴右。智勇傑出明將軍。
星馳羽檄西川聞。率師不待九重詔。殺賊豈以疆圻
分。是時官軍少簡練。將不知兵難轉戰。用命誰同臂指

連登壇要識風雲變賊寨據險山岩堯深壕峭壁愁猿
猱矢石仰攻不得利那能計日空其巢將軍精心運籌

熟思入夢中神亦告聚米山川一掌收偃旗壁壘重淵
伏忽看天上白羽揮地中礮火齊發機能巖突出紛而

馳攻其不備勢莫支淮陰沙囊拔地起陶侃竹木軍中

資周遭立寨戰守備聚而殲旃徵刻期將軍預儲布囊五百得卡時卽

令盛土壘起以蔽矢石再用木萬株周圍立柵如城從孔罅中施槍砲賊始窘蹙刻期殲焉我時未

遂從軍志飽見飽聞亦快意卽今幕府共追陪置酒重

論前日事被劄力戰數曹參屏樹忘功重馮異將軍威

望本軼倫功臣像早圖麒麟奮身討叛氣作愾設伏制

勝機通神君不見李愬淮西勦莫比蔡綬道上儀其人
是時相國視師

楊鬍子歌

楊軍門過春四川人

馬履泰

賊怕楊鬍子賊怕鬍子走脫趾不怕白鬍大尾羊只怕
黑鬍楊難當賊正蒼黃疑未決瞥見黑鬍擲身入刀嫌
太快矛太尖只使一條鐵馬鞭逢人搥人馬搥馬血肉
都成甕中鮓須臾將士風湧波縱橫步騎從一騾賊忽
乘高石如雨鬍子鞭已空中舉賊忽走險奔如蛇鬍子
騾已橫道遮森森賊寨密排巘鬍子從外陷其內重重
賊隊圍如帶鬍子從內潰其外鬍子鞭騾繞賊走吞賊

胸中已八九。瞋目一叱鬚。槎枒賊皆仆。地為蟲沙相傳。失路曾問賊。賊指間道教。鬚出賊豈不怨。鬚子鞭頗闐。鬚子為將賢。鬚子待士如骨肉。蟻大功勞無不錄。拔擢真能任。鼓鑿拊循含。淚吮瘡。痍噫嘘。嘻賊中感服。尙如此。豈有官軍肯惜死。

哈將軍歌

將軍名元生河間人雍正間總督奕貴有事苗疆克平烏蒙作歌以紀公功

錢 枝

君不見昔時哈將軍。年少身佩三邊印。彎弓射虎能沒羽。疊石排雲忽成陣。健兒身手如生猿。轅門展旗三丈高。瀟灑自攜諸葛扇。指揮教舞赫連刀。軍令如山撼不

得上馬人人思殺賊何處軍符大點兵卻逢鎮守飛傳
檄將軍一出永昌城列卒高屯驃騎營鐵衣壯士鳴刁
斗黃面花苗識姓名曉合長圍開玉帳西風捲纛秋原
曠汗馬追嘶古戍頭刀光迸落青天上疊鼓催將塞柵
平牙門擁賀軍聲壯始知魏尚守雲中一戰能成絕域
功征旆先回關索嶺捷書飛奏甘泉宮先皇幾暇御
便殿日宴彤墀數召見從容含笑語邊情近侍聞名
爭識面內府新頒上將冠大官別賜天厨饌將軍回部人
命賜饌時早令絕徼建奇勳推轂由來貴得人當時同
別供特羊被千金賞更有蘄王幾葉孫韓良輔子勳最是老臣能薦士

鄂公拜手獨承

恩

將軍為鄂文端公所舉

五十年來兵不用伏

波橫海威名重生前轉戰百蠻驚死日傳聞一軍慟戍

壘高屯鳥鼠雲丹青空老麒麟夢西南山勢鬱盤陀戰

迹仍畱得勝坡試向沙場尋箭鏃行人猶唱玉關歌

明將軍破賊歌

教誨擾孝感明將軍亮一鼓破之數年漢陽人誦德不衰歌以美之

黃承吉

西南殺氣何紛紛崑岡火炎玉不分黃郛之間虎口出

伊誰所賜明將軍妖氛突起雲夢澤萬姓號呼望檠戟

大別山南日欲斜將軍下馬渾無策明發宜城取次沽

暮行擊鞠朝投壺幾回申令戒休息親占庚吉宜前驅

伺者日多民日恟將軍按兵色不動僚佐硜硜數勸行
將軍傾酒如泉湧停師三日日在丁曉風吹霧天冥冥
歛然擐甲上馬去麾旄倏爍如流星倉皇發賊蒲騷口
賊口咸噤詎能走平地俄成縱獵場風毛雨血空羣醜
將軍躍馬歸漢津五千甲士遺三人平明蹴躡又返二
士民驚睨疑通神訇然蒲伏向馬拜將軍威福誰不賴
不見荆襄大道邊至今骸骨相楮蓋滔滔漢水流無窮
此邦千載稱英風安能迅速掃餘孽都似將軍一戰功

張鐵槍歌

張君永祥河南淮甯人川楚教匪亂張率鄉勇三百破賊五千於盧氏縣以功

得把總銜棄之歸里吾師儀徵阮公撫豫効力撫標公撫浙復從教習各營槍法公內召俾適

宰儀徵從公所聘得之俾率民壯緝捕倬之出
 都也公以詩贈行云臬徒穎泗來小鬪竟如戰
 我昔謀增兵議者議未善倬心識之甫到官撫
 軍卽飭捕巨臬蔣光斗等凡三月擒治畧盡余
 所募壯士咸服君較藝皆出君下然客倬所三
 載未嘗自言虞氏戰功今倬晤沈司馬始知之
 其不伐又如此竊歎當世知君者落落罕其人
 而才有幸不幸時有遇不遇才之不遇則時之
 幸也爰製序作歌贈之並慰夫
 奇才數奇之藏用於承平者 屠倬

張侯偉然八尺軀十年從軍歸荷鋤閒拋鐵槍倚牆壁
 膏血漬蝕腥模糊天生奇才辦殺賊張侯鐵槍無與敵
 不由行伍非甲科自募鄉兵隸兵籍往年蜀楚困鋒鏑
 官兵如麻只充額 廟謨清野堅四壁誰能一呼十當
 百張侯領隊三百人殺賊五千清賊氛臂槍走馬氣益

振歸來帳前血浴身錄功上報不受賞要讓勳業歸官
軍儀徵中丞出撫豫此日張侯正歸去領標較射推第
一感泣平生最知遇中丞防海移澗中材官列隊張俱
從轅門監旗親教戰張侯使槍如掣電一軍羅拜聲動
天蛟鱷羣飛海濤濺至今海上誇鐵槍頭白軍官未曾
見張侯身如虓虎雄氣似嬰兒柔奮臂激忠義敵愾皆
同仇生不用世歸卽休區區論功壯士羞翻然就我來
眞州肝膽傾露三年畱我知張侯眞逢人說張侯邵平
瓜落西風秋烏虓張侯將白頭

哈將軍歌

將軍名元生回部人鄂少保征花苗將
軍功最多有傳其軼事者作歌紀之

錢林

君不見哈將軍生長回部力萬斤戰若猛虎入羊羣官
防海子一萬賊莽莽直進雲爲黑將軍射之逃不得縛
賊擲空揮寶刀血飛青天一丈高髑髏墮地輕於毛歸
來上簿相公喜明光宮中報天子嗚呼安得選將皆
如此。

大將行

周凱

古來大將皆崛起未必少年通經史用心往往合天心
不殺之殺殺乃止將兵百萬不戮人鄧禹自知昌孫子
焚香一炷誓衆軍曹彬貴與宋終始君不嗜殺臣好生

至今典冊交頌美。有功不忌乃主恩。爲善必報亦天理。此中一念慘與慈。間在毫釐謬千里。獨不見殺降不令李廣侯。坑卒終賜白起死。古來大將鑒在此。

贈別羅天鵬軍門

思舉

又

月牙弓錐子箭短衣匹馬身。百戰至今創痕猶著面。連

珠駑白來礮

皆公自製軍器

攻城破砦誇神妙。至今軍中莫能

數將軍。精悍若飛虎。短小能超百丈柱。談笑不諱少年事。風塵時墮英雄淚。胸中武庫自森森。天生偉人付才智。論兵不假尉繚書。法古能師諸葛意。風霜旆節昭雄武威奉。朝廷鎮南土。恤兵路不受壺漿。愛民夜不驚

桴鼓昔謁將軍來，穀水百杯醉聽狂言喜。今別將軍去，
齊安百里走送勞。金鞍欲別不別勸，加餐西望玉關雲。
漫漫時噶什喀爾張格爾滋事恐有丹詔來，金鑾將軍之德民所
歡。將軍之名使賊聞之心膽寒。

寶山田令署中夜話

蕭 楡

海風蕭蕭吹我冷，海城夜聞角聲警。高燒官燭逞雄談，
卻望海天心耿耿。似聞昨者羽書來，臺灣寇鋒猶未摧。
天子爲遣羽林出，將軍應把樓船開。妖氛流毒無定所，
未必江南竟安堵。此間主客將數人，不識誰能守門戶。
我謂君蓋建一策，移兵三千駐馬跡。馬跡山在崇明外海高據層

巒瞰大洋那有盧循敢深入况聞其上亦有田昔人馬
鬣猶巍然足知此本耕桑地旅穀遺蔬紛被阡屯田可
減養兵費且耕且守真長計襟吳帶越聲氣通海天自
此無兵氣君見吾見亦頗同言之幕府未敢從慮無大
將能守此卻落鮫波鯨窟中吁嗟乎海濱連綿幾亭障
高牙大纛常相望如何欲用一奇謀便道江南不出將
良由 國家太平久戢戈橐弓罷刁斗武臣相習只恬
熙那有一人好身手君如他日長外臺乞奏 天子先
求材

黃總戎行

張維屏

萬口爭傳黃總戎廣東老將今黃忠總戎習水識水性
夜半伏水如螭龍賊船峩峩壓賈舶總戎出海賊已空
羣賊畏之如天神衆軍親之如家翁蒼顏獨立心忡忡
將星墮地來悲風盡瘁死當爲鬼雄盡驅蛟鱓朝祝融
國家優渥賞有功偏裨授以專闕崇纓冠翎翠珊瑚紅
纓冠翎翠珊瑚紅嗚呼安得再見黃總戎

哀廬陽

爲江岷樵中丞作也公新甯人以孝廉得

投効軍營游陟知府寇圍長沙公散家財募死
士助城守敘功稱最瀏陽奸民周國思聚衆思
爲亂公勒兵掩擊傾其巢羅湖北按察使賊犯
江省公奉檄來援賊穴地藏礮火發城頽蜂擁
欲上公力過獲全又以巨礮擊賊遁去三年冬
授安徽巡撫馳救廬州時守兵甚單錢粟俱竭

公方禦東城缺口奸民勾賊由西門入公遂
自刎親兵三百死亡殆盡公死遠近皆氣奪

王文璋

公昔領隊趨江城旌旗色變人盡生公今秉符救淝水
金鼓聲沈公竟死蚍蜉不援雀鼠空東牆礮黑西牆紅
義卒甘心生死同上天入地從我公吁嗟乎精魂往來
風復雨。衆鬼啾啾作人語。

楊將軍歌

名邁春陝西提督善戰賊呼爲楊鬍子平滑封男爵

柳樹芳

揮刀直入道口寨臨陣挽鬚早結隊兀然復覩鬍將軍
驚散沙蟲幾百輩將軍毅勇真無敵隴西關右曾列戟
一朝滑濬賊未平雲驟風馳電爭掣毀巢破穴不須臾

從此膽落梟與狐。佐成平滑功第一。將軍樹下來徐徐。
立身須從忠義起。此風不振羣委靡。將軍豈是大刀徐。
將軍豈學鐵槍李。

老兵歎

朱琦

金門已偪廈門失。老兵歎息爲我說。飛書兩月程期奔。
我家主帥孤大恩。廈門屯戍兵有萬。况又鎖鑰連金門。
當時烽埃眼親見。主帥逃歸竟不戰。獨有把總人。姓林。
廣穎多鬚氣森森。自稱漳州好男子。當關一呼百鬼瘖。
可惜衆寡太不敵。一矢洞胸腸突出。轉戰轉厲刀儘折。
寸縵至死罵不絕。嗟哉漳州好男子。安得防邊將帥盡。

如此與爾同生復同死按林把總名志

哀舟山三總戎殉節詩

辛丑嘆夷犯舟山總戎王錫朋鄭國鴻葛雲飛同日

戰歿詩以哀之用陶詩詠三良韻

孔繼鑠

戰撫兩失馭外患誰實遺吁嗟大難端其來亦云微舟山孤無援若為地所私得失委三鎮遙策拱旌帷四山合死力士氣無所虧碧血濺海水三忠同一歸舉世競論議臨難覘從違武人耀國乘念之中心悲寄語大將壇毋輕短後衣

場將軍歌

讀楊忠武侯傳歌以紀之

孫衣言

將軍馬上揮雙刀一生殺賊紛如毛西上崑崙掃月窟

東涉滄海收風濤

先皇駕馭多雄傑將軍戰功

初第一

紫宸殿前披軍書往往

九重喜動色爾時

楚蜀多烽煙黃巾比戶稱戈鋌方舟屢蔽漢江下吳鹽
欲斷夔門前黔陽花當尤負岨毒矢殺人血濡縷深榛
苦霧不見天豈但黃金與子午官兵食肉良可哀武陽
壯士如死灰將軍年少人未識強弓硬箭營門開回頭
叱馬躍十丈萬人隊中騰身上電光一綫轉眼無前山
但聞霹靂響平原格鬪尤如神見賊愈多能忘身錦衣
繡帽結束好營前勒馬笑不嗔臂槍一呼萬人急五花
如龍追不及逐北歸來秋風腥寶刀未洗血光溼十年

戰罷沙塵清西南萬里安春耕豈獨兵威振殊俗兒唬
不敢聞姓名 國家折衝在千里欲守四方須猛士頗
聞當時賊中言相戒莫遇楊鬚子今者烽火連江津攻
城殺將何紛紛廉頗李牧伊何人安得復有楊將軍

鐵槍歌贈張永祥

永祥事見前
屠倬詩注

趙 函

張鐵槍名永祥得名有如王彥章彥章雖勇臣朱梁人
死畱名豹畱韞吁嗟不如張鐵槍鐵槍中州人能禦中
州賊賊騎來五千當之以三百盧氏一戰陣雲黑賊避
槍鋒向西折不躡中州竄巴夔軍門官以七品官鐵槍
不需銀交聲中丞得之命訓團十五五長槍攢鐵槍

來時衆槍立。滾雪飛花一槍急。任教地上萬人呼。空際
寒光裹肩胛。阮公去屠侯。來梟徒橫滿江淮。鐵槍縛盜
如驅羊。若輩無足櫻吾槍。以槍頓地卻馳去。羣梟撼槍
同撼樹。徐徐引弓殪其魁。王虔以來此獨步。我與屠侯
交未識。鐵槍面棄槍一哭。屠侯奠丹旒。前頭始相見。長
身豐頤黔且髯。養如木雞神氣恬。威稜在骨不在貌。嘗
嘗訥訥持恭謙。揚州梟徒近露刃。白晝殺人官不問。長
槍副統更何人。治以毛錐劣三寸。鐵槍鐵槍爾善藏。昔
何勇健今何恹。阮公萬里屠侯亡。嗚呼誰知張鐵槍。

驍帥

王柏心

驍帥楊羅俱寂寞空聞麟閣待圖形天戈尙未清蠻塞
河鼓今誰應將星南楚萬山烽燧徧西風千里髑髏腥
高城肯作王羆豕憑險何難扼洞庭

野哭

又

百粵烽煙慘三湘野哭哀徵兵半天下失計一庸才白
羽誰麾扇黃金在築臺朝廷求猛士或者向塵埃

感事

七絕錄
二首

又

任嘲呂姥與蕭孃萬馬環營劒戟光不遺賊鋒驚玉帳
蒼生何惜委豺狼

巖城一夕盡填闡攻具梯衝若鬼神但有盤龍能突陣

肯教飛燕竟揚塵

張軍門歌

哀張殿臣軍門庚申四月
請國樑江南提督諡忠武又

登壇者誰先潰奔戰死獨有張軍門軍門奮迹起羣盜

能以赤心酬

主恩桂林侍御精鑒裁

軍門初為劫盜
後詣大營降則

桂林朱伯韓
侍御實主之

川西老將能用才

謂向軍門朝為偏裨暮作帥

年少拔起當河魁張家黑幟威名壯驍賊見之魂魄喪

單騎親突萬軍中火箭橫飛接馬上力復江淮數十城

全吳不覩烽燧驚下令恤民專殺賊壺漿夾道皆歡聲

去年建策修長圍壕塹三重斷走飛檻中窮獸日夜泣

翹足可展犁巢威蒼鷹奮擊不受絀駿馬脫銜疾電掣

闊外進退孰專決坐恨庸才制英傑奔星去秋犯牛斗

去年九月二十二夜有奔星如月犯牛斗牛斗之次主吳越春雪寒飛三尺厚壞雲

如山霄壓營軍門裏創劒在手格鬪未已俄喪軀雄師
十萬骨亦枯豈惟精銳飽豺吻天柱長城今則無吁嗟
乎 國家羅致文武士奇才翻自綠林起天生忠孝好
男兒不令功成先戰死白門悲風夜不止怒激江濤歎
海水

黃沙行美田總戎

永桐

吳 嶷

秦關戡亂已三月防邊士卒今還家千人之軍靜不譁
四百里外來黃沙居民夾道紛如麻攀轅臥轍將軍車

將軍田公心志虛戎行辛苦不自居大功歸秦不歸豫
我兵未戰賊已除賊除未盡民猶恐農時一失無遺種
邊防卽此尤應重三月旌旄豈虛擁曠也軍門久從事
曾歷西南戰爭地每聞賊去兵始來可憐兵過賊又至
豈無兵賊驟相逢獨怪居民兩爭避身行萬里十年中
此境分明尙堪記祇道人情盡如此今日黃沙事殊異
紛紛呼佛更呼儒將軍處之心不愉始信扶危存至性
何須決勝見良圖良圖非出人意表識才遠大古來少
取民養兵兵日驕用兵衛民民不擾我爲翻作黃沙行
如田將軍眞矯矯

權六合縣事溫北屏太守歌

馬壽齡

紙糊南京城鐵打六合縣

民間語

乍聞此語色爲變繼遇

土著人媿媿談弗倦一邑親團數萬人兩載身經數十
戰晝夜巡行腰腳健賞罰無心避嫌怨僕攜篋豆愁主
飢蹲踞茹檐手捫飯每戰當先民互爭草鞵緊峭長衣
褪戰罷向民三拱揖檢點死生振旅入生則鼓掌臨風
笑死則枕股紛雨泣骸骨奉入土精魂奉入廟焚香酌
酒四叩頭累爾累爾予不肖百姓感之淚泉湧道路聞
之神亦竦縣無小人成衆官無卑權可重偉矣溫太守
是爲仁者勇

紀張殿臣總戎

國梁

近事

又

賊人出虜丹陽路張公奉令驅賊去賊畏張公如畏虎
紛紛竄入太平府張公乘勝呼衆土雨驟風馳三十里
賊入城外開戲場張公直抵新土牆賊聞公來走且僵
入城擬作螳臂當張公大叫雜賊走城門難閉賊難守
須臾度賊盡走入發號閉門斷賊首魚游釜底雖在籠
萬箭千刀都在手屍成邱血成壑一將身領九百人殺
盡賊兵一萬弱元戎召入親慰勞立換頭銜共談笑大
勳不伐古臣風三讓承恩慙未報

魏塘乘風亭詩

薛時雨

同治癸亥秋宮保李公遣楊少銘軍門潘琴軒
劉仲良兩方伯李幼荃吳白華兩觀察率偏師
攻魏塘余參其軍宮保掉小舟察形勢踰月魏
塘平越三年邑人于城西長春塘築亭勒石題
曰李宮保駐節處而名其亭曰乘風徵詩及余
魏塘余舊治又親在戎行見聞皆確成四十韻
秉旄昔視師籌筆今畱驛堂堂李臨淮中興贊偉績雄
兵壓三吳計先清肘腋奠定吳淞江移師畧鄰邑諸將
方交驩舳艫四面集我時居幕賓謂我情形悉舊種潘
安花新草故臬檄磨盾作前驅見聞較詳核魏塘本藪
爾負嶠命久逆逼陽小而固虎牢一且逼水鄉港蕩多
假途未易襲元戎乘輕舟要害親周歷一肅宵征旌
旗煥晝日營弁聞公來踊躍各三百義旅一公來免胄

趨風疾父老聞公來香花蹕道側蟻賊聞公來閉關私
惴慄攻城必奪隘指示紆籌策一鼓下風涇白牛河水
赤再撻下斜塘狂奔賊倒戟城社伏狐鼠倚此作兩翼
翦翼蔡不飛坐困甘屈膝入城未血刃網解脅從釋魏
塘遂大定四境歡聲溢商賈葺市廛臨街逐什一閭井
買耕牛墾土開阡陌生聚迄三年水火重衽席嘉禾轄
七縣此邦早安謐喘定敢忘恩巍巍湖明德節麾日以
遠去思積胸臆築亭水之湄翼然如鳥革墩因安石名
碑爲叔子勒結社報樂公憩棠懷召伯燕然只自侈鋪
張轉失實茲亭出輿情謳歌遍澤國公昔定東南公今

平西北名豈藉亭傳偏隅仰勝蹟盈盈長春塘千春水
長碧徵詩及賤子往事詳披繹惜我倦乘風久作退飛
鷁

哀二賢詩

譚獻

贈太保林文忠公

則徐

林公出閩中溟渤與懷抱畱侯如婦女富貴致身早瓊
厓氣蕭森珠澥流浩淼中有英吉利揚颿颶風矯流毒
阿夫容奇技時辰表厯宦公鎮粵憂心怒如擣鑿舟沈
侏儻縱火燔輕窕奇計出精誠豈徒尙智巧安坐制干
里威名被百草得公三四輩猾夏敢紛擾吁嗟棘上蠅

瑾瑜不自保功成竟下吏出塞乃集蓼中朝王相國尸
諫遺疏稟同時兩蓋臣悲歌向蒼昊天高雨露降歸朝
雙鬢皓無端桂林郡潢池弄兵狡卽家畀金印出車奉
征討黃霸再適潁歡呼擁父老前旌粵東境渠魁檻車
轅傳聞賊中議獻章正風霜一何酷瘴癘竟相撓老臣
乞降公薨復擁之逸死勤事七十不爲天大呼恨蜂屯不瞑志電掃浮雲下
閶闔翩翩白旛旒烽燧日夜飛從此豺狼飽

故安徽巡撫江忠烈公忠源

烏虜江公卒東南撤藩籬公仕本異數酬知亦云奇跳
梁憤小醜廬郡環攻時悲涼許國身奔走亦以罷杖柱

閱數旬飲泣人登陴雖緩雀鼠掘誰爲膏油遺逍遙七
千人犄角空相持軍門大星隕山崩走熊羆溯公一書
生類宮擁皋比尊俎信折衝組練畜健兒上相樹旄節
薦之白玉墀墨經用變禮金革安敢辭挺身百戰後累
卵南昌危一斷墨翟帶共護 天王旗桓桓背嵬軍蟻
附不敢窺廬城傳巷戰散卒如雄師憶公奉手版作令
嚴且慈童年識眞卿清癯峴嶷嶷秋風鷓鴣孤何由盡
狐狸長弓忽解膠江水揚蛟螭蕭蕭伏波營執棚干帳
嬉犀甲哀國殤吳楚日以糜靈風起天末旌蓋耀江湄
旄頭不墮地雄劔安所施

黑虎爺

向軍門出戰常有神光籠罩賊視之為黑虎稱為黑虎爺

魏

堃

黑虎來來何晚提軍向一身膽桓桓虎臣今見罕帷幄

運籌操勝算誓滅此賊賊驚散鍾山山麓戰鼓撼威名

幸憚黑虎爺

軍門鑄誓滅此賊四字小印

兵卒類

縣門行

錢澄之

縣門朝開官不出昨夜大盜進官屋健兒被傷公子死
衙外知更衙裏哭樅陽臨水萬餘家公然船過彈琵琶
縣上差兵親認得鳴鑼捉賊通街譁家家揭竿闌江口
船到江口誰能守弓箭在手刀在腰一夫上岸千夫走

差兵晝夜尾船行。獲之乃曰。燾下兵。可憐冤煞城中人。
嚴刑至死無一聲。燾下兵來不敢鎖。當堂揖官對官坐。
官免殺傷已有恩。明日同官赴轅門。移文調取軍前用。
臨去傳言謝官送。

老婦行

戴明說

南陽古號天中宅。歲歲兵車過邊卒。南陽止剩百人家。
家家含淚聽。篳篥戍卒自領官家粟。但願噉麥不噉秣。
長吞踴躍雄如鯨。輔車纔潤盤殮矣。供者尙僕噉者怒。
轟雷愁氣崩殘室。老婦長跪方致辭。當頭一擊血如漆。
所望移威加豺狼。何藝一劔及蟻。軍麾整肅古來難。

籬邊悄憶李光弼

劉漢藜捉人行見捕捉門

徵兵謠

作於崇禎庚辰年

傅惟麟

聞道羽檄下州縣徵兵補伍資征戰昔時只道從軍苦
今日從軍轉宴宴呼盧六博爭梟雉撤地青蚨常數萬
朝來郊射鬪便猥中途時得客人錢倡樓恣飲不能奈
拔刀每欲向人前主帥雖不給正餉幾敢瞋目行威權
有時聞警趨壁壘麟麟蕭蕭何雄偉縱使流氛高逼天
兵將常離數百里馬不勞我日秣芻鞭箠威人如威奴
一時誰敢少襍阻割級正好獻幕府誰家有女顏色嬌

馬上常馱伴寶刀父母夫婿每追喪十里不見黃塵高
駐馬又復無營隊各人跨馬投闌闔夜來宰卻罍上雞
天明攜去奩中黛護防城郭尤泰然棲遲噉飲相呼謹
一人稍稍不得志百千上馬揮刀鏖爭先報名挂名簿
駿馬驕嘶耀威武臨行卻囑女與妻隄防兵過爲兵虜

聽老兵話

高 暉

遠山疊秋色涼風翛翛寒殺氣凍黃雲旅顏慘不歡老
兵就我語坐石聊盤桓十三落邊土十五投三韓十六
列戎行十七侍大官十年甲不解防秋桃花灘苦戰三
十載一子沒桑乾妻死不知處母死孤墳殘中年入京

華旣又向函關西居未煖席忽征南北蠻去年破水西
今年瀘江灣朝躓泥石裏夜宿水草間力殫倦樵採累
日多不餐沙磧不言瘁爲君數箭瘢聞語未及竟惻惻
摧心肝將軍策奇勛士卒敢憚難不見凌烟閣矗起青
雲端

口號

尤侗

世間怪事無不有旗兵白晝劫江口我登江船遭毒手
操刀嚇人攫金走不知將軍安在哉方擁高牙飲醇酒
裁兵行

沈名蒸

少年何緣入兵籍弄刀彎弓有膂力一生無業又無田

仰給縣官充口食外專開府屬文吏裁減牙兵誠是計
制軍提閩大總戎何亦芟除爪牙利每路奉裁盈千人
此中豈盡老弱身合并腹地十餘路萬有數千游手民
安鄉插里難羈束荏蒲叢叢樹林綠

槍柴行

劉青藜

樵子日在山耕夫日在田衆兵何所事不耕不樵剽掠

城市間一解柴車轆轤來那問誰家送雙牛兩汗拽不

前未及到門車半空二解耕夫囑語柴已無多主人責

我奈何三解老兵忽大怒主人奈我何四解主人聞之

懼搖手戒勿語耕夫不解事脫手鞭一舉五解老兵瞋

目去大聲呼其曹眼看逐隊來戟手聲嗷嘈

六解

排汝

門闌汝堂仆汝几案傾汝酒與漿

七解

見者抱頭竄闕

者色淒涼家家私相囑我柴任彼搶不見渠家耕夫答

背主人藏

八解

官兵糶

顧仲清

戊辰夏六月兵變駭楚疆

天子命將出整旅趨蕪黃

師行所過邑比戶多憂惶居民皆竄迹市肆留空房開

市民苦兵騷動安能止閉市兵苦飢何處求芻米飢兵

捉胥徒鞭笞愁欲死縣官出分解詬詈隨之耳賢哉舒

城令初仕來舒城其才非百里遇事會不驚先戒守城

卒開門入官兵汝曹飢欲食何用搜窮民縣官自有米
官兵自有錢有錢持易米交易何所嫌縣官坐堂上官
兵羅堂前出米及芻豆估價且勿譴問米何由來問豆
何所致驛積及倉儲隔夜先取備兵旣各持糧官亦起
策騎驅兵速出城毋得更生事客從隣邑來具言官兵
過縣官派民錢民懼思逃播縣官旣憤民縱兵攫百貨
窮民觸兵威撈掠肌膚破又有一隣邑亦經官兵來縣
官派民錢供應如風雷奸胥大飽腹兵去民告哀告哀
官不理訟之中丞臺作吏須能事愛民由中誠詩着舒
城令賣米安兵氓

營弁歎

郭瑞齡

字不識一丁弓須挽兩石需糧復需餉故事空名册可
憐司農歎年年必足額鬪雞走狗樂朝夕滿堂嗚雉呼
盧客訓練何曾諳紀律紀律不諳猶可言縱奸豢盜皆
兵役吁嗟乎武夫禦侮稱干城腹負恐愧將軍名

黃子雲葵誠向詩勸屯田篇見政術門

戰城南

周永銓

戰城南陣雲黑血雨迷空白日失色轉戰城東西又來
戰城北刀聲鼓聲相併力鬪驪鬘腥風四吹積骸成
莽征馬不馳將軍接部伍一半沙場屍縱有親知收白

骨白骨滿邊陲安辨誰家兄與弟耶與兒愁魂慘慘泣
陰雨鬼聲黑夜作人語生不得分主將一寸功死不得
附鄉里三尺土惟有青燐照終古

戰城南

沈德潛

戰城南苦寒月刀聲過處紅雨飛一片黃沙堆白骨戰
罷飛狐西又戰金河東今日壯士死他日將軍功軍中
夜宴搗鼙鼓錦帳妖姬對歌舞殘兵僵臥風雪中鬼馬
相隨鬼妾語鬼妾語鬼馬號雄雞翦夢天不高羽書曉
過陰山麓十萬勦讎作人哭

京軍謠

秦朝鈺

使君城東來。幃帷露猶溼。京軍三五輩。瞋目當衢立。使君從騎。厓如猴。京軍有馬。肥如牛。猶云馬劣不肯騎。怒氣勃勃形赳赳。大呼問官。豈此州胡不下車。與我謀。嗚呼國家養爾百年恩。已極。咆哮勇氣且斂戢。長弓硬箭去殺賊。

病兵吟

楊揆

道旁逢老兵。顏色殊慘悽。路長官馬力。苦疲徒步牽。馬行踣踣破帽不蓋頭。敝裘不掩脛。斜風倒吹雪。滿領欲訴艱辛語。還哽自言十五二十時。滇南蜀北屢出師。長年未及脫兵籍。點行復遣征烏斯。朝不得食。荷戈拓戟。

暮不得息踐更行汲天寒行汲山復深十步九折傷人心徘徊躑躅不能去但恐烏鳶啄肉來相尋忽逢官騎一何怒噴汝灰頽更箠楚令嚴何敢與齟齬但聞垂首背人語此輩當年本同伍

回兵行

趙懷玉

回兵氣揚不成隊醉望青天眼馬背軍官亦念成功難縱有驕恣都從寬賊屍狼藉填巖谷剖膽收之療人目漫言一膽直多金猶有榆皮挂飢腹誰無父母爭提攜兒女被驅如犬雞寄語回兵休再違偶爾生還亦天幸

新乞兒

詹應甲

荆南道旁新乞兒吞聲嗚咽前致詞自言舊籍長沙卒
二十從軍少壯時當年瀘水煙塵沸花苗蠢動犁鋤棄
身雖卑賤筋骨強得到戰場方快意戰場賊來同亂鴉
爭先截殺如芟麻大小百戰那知死刀缺矢窮心不諱
忽逢飛鏃傷一目再爲礮石斷一足目傷足斷氣未銷
馬上猶能奮馳逐大軍奏捷班戎行幕府點名重過堂
完膚壯丁皆選入老弱殘廢難充當令嚴法正不得語
繳還甲仗出軍伍足傷非馬行不前何以爲農與爲賈
蹙投古廟炊寒煙寶刀已鈍難質錢鄉邑無家歸不得
營門舊侶誰相憐途窮無計學求乞一餅一糜度終日

髀肉作瘡力漸微夜聽鬪馘呼伴急賤卒雖死何足哀
同征將校書麟臺

募鄉兵

史善長

朝募兵夜募兵府帖火急無畱停排門比戶抽強丁一
丁百錢米一升官爲支給以日程宜施鄖介山崢嶸下
游黃漢上襄荆水陸攔截繁於屋要使曠野皆堅城椎
埋惡少多竄名磨刀霍霍喧相爭十里五里險隘憑殺
人爲功官所令手毒漸覺軀命輕肉肥酒大羅羶腥飽
食且贍妻兒生一賊不獲官不刑有時斬馘羣矜能告
身百道飛如蠅羊頭狗尾影長纓一笑目已無公卿昨

者大將方南征瓜期未代烽煙橫借力終恐違師貞何
當彎弧射欃槍銷甲散伍還歸耕

征婦怨

孫源湘

荷鋤被驅去荷戈虎符下調征交河經年不覩雲中雁
夜夜空閨惡夢多朝來慘報全軍沒寸骨不歸歸辮髮
結髮恩深翦紙幡葬君遺髮招君魂魄兮莫怨沙場死
戰死沙場渺餘罪東家阿父死官糧官府下鄉械妻子

蘭山行

陸元文

蘭山城中聞點兵點兵三日不得行耶孃別兒夫別婦
一城無聲聞哭聲飄然破褐途窮士眼見旌旗向東指

兩人共一騎十人共一車承平不知事兵革駿馬換牛
刀換鋤半夜飛符催火速報道山東噪青犢幕府森嚴
張令甲點兵不前有軍法耶孃裾牽婦帶拖雖有軍法
可奈何將軍昨傳言士卒爾勿喧不必殺賊但防賊此
去保汝骨月全四更營前響篳篥五更涼風起酸瑟金
鼓隱隱烟塵昏幕烏高叫紅日出君不見羽書旁午調
兵守兵到城空賊早走

石麻子

石麻子橫行錢唐江上以躡奪沙洲爲生

活剽中丞韻珂當破格用人之際宥其已
往轉加恩禮乃感奮嘯聚數千人
爲一江捍衛勇敢之氣較勝官兵 陳春曉

石麻子橫行江上名聞爾虎踞沙洲莫敢指一呼草澤

羣兒起綠林豪客曾驅使隔江咫尺烽煙驚中丞焦灼
籌專征破除成見善將兵不馴之輩馭以誠使貪使詐
無不可一朝激勸義勇生軍門許長揖破格恩禮及問
爾何所能號召羣雄集不用甲兵與刀戟鋏鋤錘鑄鋒
堪接相撞相擊一當十中丞用汝嘉賚賞羣兒誇功成
當爲奏 天子先已薰沐頭銜加石麻子爾知否中丞
待爾恩深水一江願爾同仇倚賊來不盡殺不止莫似
官兵輒怕死不怕死石麻子。

官兵行

又

楚兵前蜀兵後官兵之來本爲民民畏官兵甚於寇役

民之力鞭箠加攫民之食銜嚙走豈徒排闥達黃昏更
敢持刀驕白晝官兵官兵爾誠強昨夜將軍下沙場爾
果效命歷戎行定當一鼓殲貪狼用張殺伐武維揚乃
聞礮火轟天起巨寇猶違數十里魂飛棄甲爭渡河紛
紛可掬舟中指官兵官兵太不仁不能殺賊祇殺民逃
卒軍中罪罔赦官不汝殺賊乃戕汝身自今願爾咸安
馴誓掃東南海上塵永銷金甲同樂春臺春

大兵調浙挾婦女來長官訊得擄掠罪狀誅數十
人婦女給贖送還鄉長歌紀之 又

捷書三楚方馳報吳中殘虜猶羣嘯烽火無端犯浙西

頻年防堵真堪笑。餉費邱山萬萬錢。窮檐爨突苦無煙。
猶道籌防兵未足。東西徵調羽書連。木蘭自昔從戎異。
兜鍪巾幗今兒戲。雄兔紛馳雌兔隨。沿街咄咄羣言沸。
別有桃花馬上孃。羅裙血色豔紅妝。共說將軍新眷屬。
營中寵異帳中藏。彼姝痛與耶孃決。白刃叢中唬不得。
薄命隨鴉已可憐。傷心伴虎從誰說。到此思尋一死難。
何時始解三生劫。刁斗無聲夜未央。鼠貓那管兵符急。
火速元戎催進兵。大江昨夜雨如傾。蛟鼉怒吼波濤立。
舳艫銜尾渡頭橫。榜人且勸將軍止。公無渡河憂變喜。
此間之樂不可支。少住爲佳聊復爾。縣官日日事供帳。

大酒肥羊索無已，廝卒橫行白日驕。黃昏排闥驚人起，
天公悔禍忽放晴。將軍無奈挂帆行，行行已過桐江驛。
七里瀧中山水碧，森嚴如入亞夫營。長官執法惟威明，
段廉訪落落大旗鳴鼓角，點兵令下軍門肅。但聞蓬首
送夫征，夫征那許同行役。長官怒目張問女來何方，含
悲訴長官泣下淚千行。自言本是良家子，去年被虜離
鄉里。地棘天荆行路難，殘軀豈意今來此。長官聞言益
慘傷，莫怪軍中氣不揚。雄狐就縛殺無赦，列隊前驅遂
啟行。提來悍卒骷髏血，脫卻羣娃豺虎穴。送女迢迢返
故山，驚魂一縷竟生還。吁嗟乎將軍失律身旋喪，女兒

國朝詩話 卷之二
落劫猶無恙長官氏段恩難忘

鄉勇叛

又

鄉勇叛鄉勇叛爾本鄉里無賴逞驍悍 國家設兵焉
用汝世際昇平不尙武老羸按籍聊充補虛名烏有更
難數羽書匆匆馳縱橫風聲鶴唳一軍驚兵不足恃募
鄉勇一鄉簡練爲干城教之技擊先騰踊教之守禦無
騷動寇來捍衛要同心寇去追奔須接踵官兵見之顏
色低相形步伐誠止齊豈知此輩桀驁性氣矜自雄忘
禁令酒樓嫚罵只尋常屠門攫肉幾亡命市上成羣旣
可憂賊來反眼轉與官民讎君不見武昌形勝金陵固

百雉城南入雲霧。鄉勇果能堅禦侮。小醜何難殲一鼓。
只因負弩導之先。重門洞開揖強虜。百萬人家一炬空。
翻向渠魁願效忠。某家某谷埋金富。某氏某倉積穀豐。
狂寇聞之怒變喜。大索橫搜遂無已。吁嗟乎鄉勇之設
爲保民。那知殃民至於此。縉紳冠峩峩。請君聽我歌羣
公用意亦良厚。豢養不繼將如何。櫓槍昨夜茫河激。宴
宇清平將止戈。每日青銅三百計。此輩虛糜已成例。聚
之容易散之難。寒冬衣食誰爲濟。起而爲盜羣稱雄。里
門桴鼓鳴鼙鼓。欲盡擒之法亦窮。吁嗟乎鼠子跳梁不
足患。患莫患於鄉勇叛。

逃兵行

癸丑金陵事

又

兵去問兵從何去橫戈入市殊驕倨兵來問兵從何來
棄甲沿途亦可哀 國家養兵兵不用承平日久感如
弄醉飽街衢半執冰老羸糜餉堪深痛昨宵火急軍符
驚夜半傳呼要點兵點兵令下登程速耶孃相送牽衣
哭欲前且卻穀鯨行行未與虎狼迎望風膽落鋌而
走兜鍪拋棄盈江城軍法逃兵罪應死軍門執法何太
弛誅之其奈不勝誅士卒無良已如此君不見開府魏
峩號范韓三江作督何桓桓胸無兵甲辱高位况值時
艱報稱難小姑山屹中流立天然地險真奇絕一夫當

關萬夫折。大旗日落屯營密。將軍據此可殺賊。功成堪
與燕然勒。奈何更比逃兵劣。驀報戈船下鄂州。不思破
敵急迴舟。風利連宵轉石頭。賊亦從之。江水流石頭城。
本金湯固崇墉百雉。難飛渡。但使將軍保障嚴。健兒用
命衆志堅。任他狂寇滔天勢。六代江山克保全。可歎將
軍倏爾不知處。甲士踉蹌散如雨。重門洞開誰爲主。長
驅直入莫敢侮。殺人如草無完土。士女何辜屬強虜。噫
吁嘻。官歟兵歟等是受恩人。戰陳原當各致身。逃兵無
赦法。始伸罪首先誅臣不臣。

兵莫來

又

兵莫來兵莫來無兵吾民能自守。兵來吾民驚且走。兵
不殺賊專殺民。助寇殺民太不仁。橫行邨落衆怒噴。義
旗號召千萬人。殺兵殺賊民氣伸。先除兵患後除賊。兵
旣被殺賊孤立。國家設兵兵本重。百年養之一日用。
承平日久訓練疎。罪有攸歸任驕縱。民敢殺兵民無良。
民不殺兵民先亡。兵民相殺殊慘傷。我欲告大府勿輕
舉。牙璋東調西遣徒。徬徨曷勿使民白。爲兵各自強。家
出了男戶出糧。比閭族黨皆金湯。

寶山田若谷明府

鈞

團練鄉勇詩

蕭

掄

田侯來治吳淞口。團練民間捉生手。只分清俸作殮錢。

不費官家糧一斗官家養兵百餘年太平無事只晏眠
一朝盜賊起滄海遷延不敢乘樓船往年賊入內洋裏
礮聲夜撼吳淞市將軍擁麾走入城健兒彎弓不發矢
侯乃慨然議募兵招集丁壯二百人只愁白徒不習戰
勇怯相半難從征我爲賢侯呈一策海濱鹽徒數千百
一船狎浪如飛鳧慣弄弓刀劔矛戟此輩捕急卽跳梁
不如收之用所長質其妻子縱擊賊重懸賞格嚴逃亡
必能冒險出死力不憂道覆還披猖况收驍健歸伍籍
此法可以清海疆海疆遼廓皆我土欲翦鯨鯢賴貔虎
由來召募惡少年以賊攻賊法原古苟人笑我不解事

白面談兵竟何補如今幕府守文法且喜江南尙安堵
嗚呼但願終久長安堵

卡兵來

陳偕燦

卡兵來居民哀卡官如虎兵如豺餓虎一嘯黑風起貪
豺四出逞牙齒窮檐斷炊烟不舉典得破衫販鹽去肩
挑背負汗血濺性命換取數貫錢明知密網踏不得可
憐不肯作盜賊卡兵荷戟忽偵至飯顆米珠一齊棄隻
身逃竄不敢歸入口望斷空嗷飢嗟爾卡兵忍爲此同
儕聚語交裂皆如此有生不如死犯法得死凍餒亦不
生死且不畏豈畏爾卡兵

河北民

姚東之

前邨紛紛呼賊急後邨攘攘呼賊入天地黯慘日無光
千門萬戶皆環泣老者難逃壯者匿賊入邨門呼酒食
大鍋煮牛羊先擄婦人次女郎從我爲賊富貴長老翁
低頭心慘絕欲語不語舌本結賊醉大呼刀亂切白頭
半染刀頭血邨空賊去壯者歸青燐白骨神魂飛道路
歡傳官軍下。羅拜馬前獻燔炙。不虞官軍復抄掠。嗶嗶
勢比賊軍虐。賊斫不死官軍攫驅我老弱轉溝壑。擄我
妻孥恣宴樂。里老吞聲不敢云。但嗟不遇楊將軍。嗚呼
將軍奚我後。使我無兒又無婦。

柘泉老婦行

王正誼

柘泉老婦七十七手扶竹杖身戰慄眼昏不識賊與兵
認賊爲兵向賊泣昨日一炬無屋廬鞭箠兒子殘肌膚
可憐少婦年十九被驅猶抱懷中雛老婦能存亦風燭
三日不食裙無幅斷肢枯骨溝渠填終爲螻蟻口中食
賊聞此語亦惻惻引向曲巷曲處匿與衣一襲米一升
戒勿言動且偷息未幾賊去兵復來收拾餘燼聲如雷
褫衣奪米復遭殺游魂飛作青燐灰

兵船行

黃燮清

紅旗高捲金鼓鳴大船小船縱橫行縣官羊酒來犒兵

縣官出城兵入城。瞋目露刃輕死生。承平罕見見者驚。
街市闐寂門晝扃。行船瑟縮僻港停。兵來促船誰敢爭。
兵來捉船慎勿爭。君不聞東浙傳烽火。迫明日官兵
要殺賊。

從軍行

沈亮

黃河風蕭蕭。日落笳鼓急。征夫行負戈。天寒慘無色。嗟
爾太平久。戰鬪未嫻習。平時隸行伍。聊博升斗食。主將
當治安。教練苦不力。一旦黃巾來。防虞此何及。府帖傳
點兵。吞聲去鄉國。明知赴一死。且復念家室。瘦妻身伶
俜。門戶誰與立。長男亦從軍。幼男纔及膝。遙憐抱母懷。

索乳夜號泣生未識耶面何處收吾骨念此心爲酸忍
淚時一滴黃雲壓旌旗邊關正風雪元戎不知寒按劍
驅士卒冒冷且向前驚飈卷沙石軀命尙不保遑恤凍
膚裂登高望關山霜月故鄉白人生遭亂離親愛成永
訣道逢舊相知下馬語嗚咽附書寄家人歸來有魂魄

殘兵行

辛丑定海之敗

夏之盛

主將昨戰死殘兵餘無幾東身歸法至省垣仁矣中丞
能恤士此兵桓桓隸壽春十停存一創滿身憇爾蕭寺
贍爾食寶刀浴血猶蠅蚋爲言主將誓死鬪轉戰三日
大殲寇海外孤城救援無敵卵飛紅貫胸膈又况奸夷

財誘衆衆不殺敵爲敵用異心反噬出同袍倒戈一室
爭相鬪吁嗟乎有功不賞罪必罰死敵何堪更死法九
死惟餘報 國心淚灑翁洲且坐甲

西安兵

又

西安兵狀桓桓雄風如見歌北園手持矛戟腰橫券詰
朝相遇城南門門者向兵語君行定立勳兵言立勳何
敢羨但願將軍早決戰不然雨雪死他鄉銳氣全摧功
不見我聞兵語增悲壯志切同仇威孰抗莫教久戍老
軍心清人逍遙潰河上

王柏心捉船行見捉船門

殘兵行

和松如
主人

閩媛楊素書

殘兵來籍壽春平生勇武超羣倫城關欲入還逡巡昨
者主將赴敵死殺傷大半餘無幾飢火燒腸創滿身血
漬銅刀裹懷裏爾敗曷不還故土軍籍雖存散行伍爾
勇曷不投大營薄功不賞罰肯輕中丞憐爾招攜爾給
爾衣食按爾名吁嗟乎勝亦莫驕矜敗亦莫悽惻留此
殘軀誓報國枕戈他日厲同仇毅魄有靈當殺賊。

奸兵行

和松如
主人

又

夜燈燦布帳屯萬松嶺上兵如雲誰家女兒豔絕倫夜
深人靜兵叩門入門逞暴厲女怒判兵臂明晨指創泣

訴官官爲按律伸爾冤吁嗟乎兵先擾民民莫抗統率
嚴明敢剽掠從來禁暴在將兵先貴知人能將將

附錄 兵船行

張興烈

前船隆隆搥大鼓後船撼撼旗竿舞千家萬家生別離
朔風刺眸淚如雨霜天嗚咽畫角鳴長江設墅戈船橫
師兒十萬同日死荆襄震動吳楚驚府帖昨夜下遠調
江南兵江南花月醉不醒健兒繾綣兒女情馬鞍換酒
髀肉生承平不識細柳營縣官按兵籍邊吏催登程閨
人送別長短亭刀鎗無光白日明五步一回顧十步聞
哭聲丈夫許國那足惜可憐妻子嬌娉婷頗聞絕塞重

圍迫銅關陷敵妖星赤湘江萬馬踏冰天漢水羣龍困
沙蹟軍中令嚴強努力四顧同隊皆酸辛吁嗟乎四顧
同隊皆酸辛嫖姚大將今何人

新樂
府 悲民團

又

國家養士二百年一旦用兵兵不前濟兵以勇孰所創
烏合之衆動以千軍無紀律失訓練倉猝驅之與賊戰
強者從賊弱者逃兵耶勇耶兩不見勇旣不可恃兵亦
不足觀寓兵於農有古法不得已而求民團煌煌告示
徧鄉鎮某都某圖人若干無事安居有警出守望相助
家室安貧者出力富出資裹糧赴敵無或遲薦聞賊至

縱焚掠。鑼聲一震。遠近知民團在前。兵勇後。後勁不繼。前茅危。賊氛如山。民氣餒。彼衆我寡。安能支。卅丁戰死。老弱哭。身家塗炭。骨肉糜。一鄉旣敗。四鄉懼。強顏事賊。無不爲吁嗟。民團衣械皆不充。所恃兵勇當其鋒。民團攻守皆不習。所賴兵勇助其力。兵有餉。兮勇有糧。兵勇何樂民何歿。官民兵勇不一氣。安能實效收疆場。斯民有難不能救。忍以干戈廢耕耨。前邨賊去墟里空。兵勇紛紛與民鬪。

將帥補

贈吳將軍

名士勝從威。信公征金川。三戰皆捷。金川奪氣。將軍請往降之。袍而騎酋長橫。

刀來迎將軍徑入虜帳笑日暮矣索枕臥鼻駒
駒甚酣且召諸酋責以大義曉之諸酋齡噤不
得語乃椎牛行炙蠻舞雜進定約請大軍降凱
旋大子召見勞以酒擢總兵癸酉挂冠歸西

川余相見於秦
淮聽述前事

袁枚

金川誰築受降城單騎從容自請行潑水刀光迎上客

吹燈虎穴聽鼯聲捧盤香火朝勢耳傳箭江山夜罷兵

椎盡肥牛三百隻歸來殘月在西營

閃閃紅旗海色開妖星半夜掃龍堆闔門泥首張嬰出

滿耳夷歌朱輔來拔矢長韜還武庫金瘡不裹上雲臺

男兒此處難消受天子親斟酒一杯

北庭都護行承恩公將軍奎林資兼文武忠勇絕倫出為北庭都護蕃回畏懷期年移

烏里雅蘇臺將軍余抵戍時已啟
行未見也知其政思其人而作 蔣業晉

南山有竹直不扶括羽鏃礪懷以須渥注之馬龍爲徒
星精下降天閑儲人物絕類稟自殊濟時英傑生非虛
惟公大將行則儒忠信甲冑體用俱往者滇海申天誅
急槍怒馬千人呼譬若獨鸚推羣鳥 一人知己無雙
譽遠移節鉞天山隅輪臺四野黃雲徂長風捲沙雪片
粗蕃羗射生飲酪酥每惜游牧窺邊虞秋獮冬狩軍政
符六鈞弓注金僕姑壯士一一勇賈餘圍場霹靂聲連
珠羣番驚竄如颼颼烽臺焰絕鼓不桴經營荒漠垂久
圖耕屯悉力勞征輸南接高昌北伊吾糗糧車乘隨時

需遠近徵調難牽拘斟酌多寡善因除公之叱咤風雲
驅公之平易陽和舒一規定遠籌邊謨期年化洽軍民
蘇龍城清霽侔 皇都我來遠戍同集枯瞻望弗及空
歛歔玉門關外柳色鋪長城之倚廣廈居星雲垂象昭
天衢文武爲憲詞非腴北庭都護如公無吁嗟乎北庭
都護如公無

王將軍拔柵歌

趙翼

王將軍真丈夫從征緬甸常前驅千七百里到宋賽地名
賊柵十六虎負嵎我槍及柵不及賊賊柵出槍偏著軀
相持三日未得便饑鷹側腦需攪雛元戎下令攻肉薄

萬衆牆排尙前卻將軍是時心膽堅挺身突出爲衆先
我不殺賊賊殺我直騰而上呼震天一人獨前萬人恥
多少健兒總拚死接踵入柵捷若風貪殺不遑割左耳
但見片片霜刀飛頃刻染成血花紫羣蠻有刀不及交
鈍者被砍黠者逃乘勢遂克賊柵四其餘悉遁惟空巢
是時元戎親督戰目覩先登識其面呼來帳下問姓名
飛章亟奏 南薰殿 天子非常賜顏色小校超遷十
二級擢官遊擊階將軍孔雀修翎長一尺三軍聞之懽
如雷誰不橫戈思殲賊我聞建德擊世雄乘霧升寨稱
奇功又聞隋破高麗日有肉飛仙擲自空罕之摩雲百

折上開平采石一躍衝如君矯捷好身手古亦不多今
 豈有君言非不畏戈鋌。朝廷公道軀甘捐。不見古來
 多浪死。沙場白骨誰為憐。

羅將軍燒賊歌

名思舉蜀人少無賴嘉慶初川陝不靖賊據山險為營屢攻不克軍

中募健兒能破賊者公應募夜獨往燒其營寨賊驚潰累官至提督 吳振棫

蠻雲蝕月萬帳黑將軍大醉夜燒賊火勢逐風風怒號
 電旗葉開光更高推枯拉朽頃刻耳草間狐兔安能逃
 將軍大笑萬骨仆單騎歸營刀不污噫吁嘻以膽狎賊
 賊膽驚將軍不死賊不生後來威名到草木小兒夜怖
 無啼聲十年罷戰收干櫓蛇虎繁霜無疾苦離青惡少

賣刀來山上新畬舊焦土

兵卒補

征夫苦

徐 晚

征夫苦征夫苦半載新婚別如雨爾腹有胚胎未辨男
與女生男莫作行伍人生女慎莫嫁行伍行伍紛紛出
邊關彎弓盤馬幾生還將軍得立邊功日壯士白骨高
於山今日生離卽死別我勉王事爾苦節他日翦紙招
我魂陰雨啾啾來蹙蹙吁嗟哉屍不同埋魂同穴爾營
空塚先標碣日流光心似鐵

瀘州聞滇黔官兵過境

姚 椿

城中擾攘雞犬呼城外慘澹人煙無官行索吏吏走匿
市兒大號兵過途兵來湏黥亦非遠一身無功意驕蹇
前驅供頓聲勢張役夫嗷嗷日將晚欲來不來行遲延
口索夫馬意索錢倉卒使爾悞軍限高貲急納充腰纏
可憐縣官受嗔責吾爲爾民來殺賊此曹平時性命輕
身到疆場反愛惜蜀道當關重一夫頻年征調困軍租
卻思丞相天威遠六月炎蒸此渡瀘

辦團練

薛時雨

大坊設百人小坊設五十有不從者予以罰罰令捐金
充此額一解何爲爲團老弱癯殘何爲爲練斬木揭竿

團不足游手續練不精點花名解三團練既成乃

往前營按冊計賞逐隊隨行棘門灞上兒戲兵解四團

練在局不在官脅官以陵民官不操其權局中日日斂

捐錢解五團練協民蹙額團練撤民動色私囊肥公貲

竭煌煌保衛局酒肉豢饕餮可憐無數民膏血解六

募鄉勇 又

鄉有莠民邑有游民一聞召募勇以名十日已滿三百

人解一有牌在腰有刀在手鄉民見之嘻且走解二形

赳赳勢洶洶不願殺賊建功但願常此虎視一鄉中解三

馭民有官馭軍有將惟勇獨橫恣其所向解四囊中

...

日領青銅錢歌樓酒肆常流連有求不應揮老拳

五解

探馬來賊還歸鄉兵散練局裁萬家歌頌心顏開嗟哉

旱魃重為災

六解

又補

鄉勇歎

許楮

琳宮朝闢洶奔濤十五五來滔滔敝衣短後舉趾高
爭前自贊稱人豪誰其主者似尉曹去留甲乙三寸操
誰其佐者似俊髦袖中各各藏名條桀石超距且勿勞
折箠不用腰弓刀上官符檄紛蝟毛義取壯觀誰敢嘲
大書勇字竿摩霄老翁七十項有條小兒十二髮垂髯

間以少壯形如猱白日市井恣遊遨寇來一瞬從遁逃
未來且令司長宵使人猶應勝使燹老僧不眠坐虛寮
圓蒲側耳燈頻挑初更鉦折何虺囂二更斷續聲不調
三更四更久寂寥五更膈膊鄰雞號余當時嘗語客曰
岳小將軍本鎮者平客曰安得有此人余
曰然則何以十二歲便令充勇客爲憮然

糧勇歎

又

山東健兒好身手探丸赤白無不有竄名糧艘爲萑苻
夜出椎埋日使酒一從轉漕遼海通此輩棄置安能窮
縣官無錢遣歸土負嶠久踞長安東忽聞尺籍點鄉勇
走觀失笑眞蟻矇大聲呼洶牆壁動願得舖糟同一鬪

官簽鄉勇本飾觀豈知寇生肘腋間姑如其請麾使出
喜氣悍色交眉端寶刀凝血夜久嘯昔藏衣底今出鞘
霹靂在手火樹耀辟人昏黑先以礮行者驚恐居者弔
就中旗丁竊相告常時吾屬慮鼓譟得緩須與策亦妙
放虎自衛且勿誚

兵卒又補

官兵行

孫鼎臣

北風蕭蕭腥滿衢廣州城中人跡無家家閉戶如逃逋
官兵橫行來叫呼官兵殺人食人肉挺刃莫敢相枝梧
短領窄袖大布襦三三五五徧里閭宰割雞犬牛羊豬
突入酒肆懸雙弧搜索益益及罌盃飲食醉飽惟所須
八十老翁泣路隅去年夷人到番禺十家五家被賊俘
今年官兵望討賊賊未及討民被屠彼賊殺人兵得誅
官兵殺人胡爲乎黃昏吹角聲嗚嗚轅門半掩人吏疎
雙雙銀燭紅氍毹大將夜坐治軍書老翁欲歸無室廬

夜半卻立長歎歔

將帥又補

贈楊將軍

崑

袁枚

作虎須成斑不戰難名將國家承平百餘年陵霄有閣
無人上楊公儒者今韋臯起家西蜀征南苗橫披囊五
三千甲斫折孤延十五刀金川礪樓與天接鳥飛不上
猿猴絕將軍目作蒼鷹視騰身直上疾如矢一甄兩甄
鼓不止雲梯隊隊銜其尾三軍齊唱肉飛仙半夜崑崙
關奪矣當空礮石雲雷奔將軍見敵不見身偶中金創
色愈怒殺賊遙看紅一路捷書馳報甘泉宮 玉旨傳
宣賞戰功諸將喧爭公獨暇閉口無聲大樹下於今專

閩來江南雅歌投壺斜插簪平生塵極臯蘭事酒罷微
聞說二三梅花開時山月明手彈瑤琴招我聽瀟湘雲
水清商老彷彿沙場金鼓聲

李將軍歌

忠毅公勦海賊
蔡牽戰歿事

宋湘

入海斬蛟登山射虎壯士出門寸心報 主生也臣不
敢知死也臣不敢辭臣知殺賊而已焉知生歸死歸汝
賊蔡牽汝何么麼海水四晏無風鼓波汝賊蔡牽汝何
瘕狗猜猜血人千里牙口汝賊蔡牽我來將軍將軍飛
來汝聞不聞汝賊蔡牽汝何不柁上天入地將軍殺我
汝賊蔡牽汝何不弓出日入月將擊如風汝賊蔡牽汝

何不死罪大海小將軍守此迷迷離離將軍之旗歌歌
舞舞將軍之鼓將軍曰刀蒼天晝高將軍曰矢怒潮夜
死吁嗟乎臣不滅賊臣甘死賊臣且滅賊臣竟死賊海
水無情天風盡墨臣北面稽首謝 天子聖德 天子
無悼臣臣死臣之職大海蕩蕩天所圍雲車風馬神靈
來上帝許我梟厥魁明年蔡牽死戰士休徘徊龍宮開
靈風回